

四庫全書

史部

欽定四庫全書

史部

五代會要卷一至五

詳校管起居注事臣顧宗泰

編修臣程嘉謨覆勘

總校官編修臣王燕緒

校對官主事臣陳文樞

謄錄監生臣王嘉稷

欽定四庫全書

史部十三

五代會要

政書類一

通制之屬

提要

臣等謹案五代會要三十卷宋王溥撰五代干戈倣攘百度凌夷故府遺規多未暇修舉然五十年間法制典章尚略具於累朝實錄溥因檢尋舊史條分件繫類輯成編於建隆二年與唐會要並進詔藏史館後歐陽修作

五代史僅列司天職方二考其他均未之及如晉段颺劉昫等之議廟制周王朴之議樂皆事闕鉅典亦略而不詳又如經籍鏤板時自長興千古官書肇端於是崇文善政豈宜削而不書乃一概刊除尤為漏略賴溥是編得以收放失之舊聞厥功甚偉至於租稅類中載周世宗讀長慶集見元微之所上均田表因令製素成圖頒賜諸道而歐史乃云世

宗見元微之均田圖是直以圖為元微之作
乖舛尤甚微溥是編亦無由訂歐史之謬也
蓋歐史務談褒貶為春秋之遺法是編務核
典章為周官之舊例各明一義相輔而行讀
五代史者又何可無此一書哉乾隆四十六
年四月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

提要

欽定四庫全書

五代會要卷一

帝號

宋 王溥 撰

梁太祖神武元聖孝皇帝姓朱氏諱晃

追冊文穆皇帝第三子母曰文

惠皇后王氏

唐大中六年十月二十一日生於單州碭山縣

以其日為太明節

天復元年正月封梁王天祐二年十一月加

相國總百揆改封魏王備九錫四年四月十八日受唐

禪即位於東都金祥殿改名晃

年五十六初名温又賜名全忠

梁開平

三年正月上尊號曰睿文聖武廣孝皇帝乾化二年六

月五日為其子郢王友珪所弑崩於大內之寢殿

年六一

其年十一月十日葬宣陵

在洛京伊闕縣

諡曰神武元聖孝皇

帝廟號太祖哀冊文

中書侍郎平章事杜曉撰

諡冊文

門下侍郎平章事趙光逢

撰諡議

太常卿李燕撰

年號二

開平盡四年乾化盡二年

宰相八人

韓建張文蔚

楊涉

薛貽矩趙光逢

杜

于曉

使相二十七人

錢鏐馬殷

王景仁

符道昭

馬成

賈

張歸霸

龐巨昭

楊師厚

李瓊

王鎔

羅紹威

王重師

馮行襲

張信

高季昌

劉知俊

李思諫

劉守光

劉守文

李仁福

末帝諱瑱

太祖第四子母曰元正皇后張氏

唐文德元年九月十二日

生於汴州

以其日為明聖節

梁開平元年封均王乾化三年二

月十七日侍衛都將袁象先率禁兵殺郢王於洛京帝

即位於汴州改名瑱

年二十六初名友正後又改名鎰

龍德三年十月

八日唐兵入汴州為控鶴將皇甫麟弒於建國樓之廊

下年三後唐同光元年十月追降為庶人

莊宗入汴州詔張全義收

罪人首骨藏於大社至晉年號三自乾化三年至五年
天福二年安崇阮收葬之
改正明正明六年改

龍德龍德宰相八人
姚洎于兢楊涉
趙光逢鄭珽蕭頊

李琪使相三十一人
錢鏐馬殷張全義
賁葉廣畧龐巨昭

楊師厚牛存節王檀劉巖張歸霸高萬興
朱友諒劉鄩高季興王審知溫韜葛從周

賀德倫錢傅璟賀瓌孔勣張萬進尹皓
李繼韜馬綽杜建徽袁象先李仁福康懷英

韓洙

後唐莊宗光聖神閔孝皇帝姓李氏諱存勗
追冊武皇帝長子母

日正簡皇唐光啟元年十二月二十二日生於晉陽宮
后曹氏

以其日為
萬壽節

天祐五年正月嗣晉王位二十年四月二十

五日即位於魏州武德殿

年三十九

同光元年十月平偽梁

二年四月上尊號曰昭文睿武至德光孝皇帝四年四

月一日京城軍亂崩於絳霄殿之廊下

年四十二

天成元年

七月二十二日葬雍陵

在洛京新安縣至晉天福二年正月以犯廟諱改為伊陵

諡

曰光聖神閔孝皇帝廟號莊宗哀冊文

中書侍郎平章事韋說撰

諡冊

文

門下侍郎平章事豆盧革撰

諡議

太常卿崔協撰

年號一

同光盡二年

宰相五人

豆盧革

韋

說

盧

程

使相三十二人

李茂正
錢鏐

郭崇韜

趙光允

馬殷

張全義

王審知

高萬興

馬存

馬賈

錢元璿

錢元球

馬希振

李仁福

高李興

韓洙

朱友諒

丁會

李曦

孔勅

袁象先

符習

溫韜

朱令德

符存審

魏王繼岌

李存渥

李存璋

李存霸

郭崇韜

孟知祥

符存審

李存渥

李存璋

元行欽

夏魯奇

錢元瓚

符存審

李存渥

李存璋

明宗聖德和武欽孝皇帝

追冊孝成皇帝長子母曰追冊懿皇后劉氏

唐咸

通八年九月九日生於代北金鳳殿

以其日為應聖節

同光元

年十一月授番漢馬部總管四年四月即位於西宮改

名亶

年六十初名嗣源

長興元年四月上尊號曰聖明神武文

德恭孝皇帝其年十一月再上尊號曰聖明神武廣道

法天文德恭孝皇帝其年十一月二十六日崩於大内

之雍和殿年六十七清泰元年四月二十七日葬徽陵在洛京洛

陽縣諡曰聖德和武欽孝皇帝廟號明宗哀冊文左僕射平章事

李愚撰冊文吏部尚書平章事劉煦撰諡議太常卿盧文紀撰年號二天成盡四

年長與宰相十人豆盧革韋說鄭珽任趙鳳

李愚使相三十八人孟知祥李仁福李曠安元信

毛璋符習霍彥威安金全錢元臻錢元球

趙德鈞孔勅高季興夏魯奇魯文安重誨

孔循房知温王建立王都王延稟范延光

趙鳳趙廷翰馬希範高從誨馮贇馬希果

五代會要

四

姚元素
錢元壽

康義誠
朱弘昭

張虔釗
張延朗

閔帝諱從厚

明宗第三子母曰昭懿皇后夏氏

唐天祐十一年十一月

二十八日生於晉陽

未有節名

長興元年八月封宋王四年

十二月一日自魏府入纘皇統即位於樞前

年二十一

應順

元年四月七日廢為鄂王其月九日遇弑於衛州

年二十二

晉天福元年十二月追諡曰閔帝葬徽陵之封中年號

一應順盡

宰相三人

馮道 劉

李

使相二十三人

王思同

安元信
房知溫

馬希果
馬希振

王建立
馬希範

范光
趙壽

李從曠
高從誨

趙德鈞
錢元球

馮 贇

安房威

盧文進

康義誠

朱宏昭

張度釗

姚彥章

張延朗

錢元璩

末帝諱從珂

本姓王氏明宗養為子
母曰宣憲皇后魏氏

唐光啟元年正月

二十三日生於鎮州平山縣之外舍

以其日為
千秋節

長興四

年正月封潞王應順元年四月三日自鳳翔入纘皇統

六月赴西宮即位於樞前

年五

清泰三年閏十一月二

十九日遇難崩於後樓

年五

晉天福元年十二月追降

為庶人葬徽陵之封中年號一

清泰盡
二年

宰相六人

李愚
劉昫

盧文紀

姚 顥

使相二十二人

安元信

趙在禮
盧文進

韓昭胤

馬 胤 孫

馬希杲

張延朗 王建立 馮道 范延光 李從曠 趙德鈞
房知禮 馬希振 姚彥章 馬存 韓昭胤 李周

鮑君福 高從誨 馬希範
錢元璪 錢元球 錢元璿

晉高祖聖文皇帝武明德孝皇帝姓石氏諱敬瑭
追冊孝元皇帝

第二子母追冊懿皇后 唐景福元年二月二十八日生於太原汾

陽里 以其日為天和節 長興三年十一月授北京留守兼大同

振武威塞彰國馬步總管清泰三年閏十一月十二日

築壇即位於太原府城之南 年四十五 其月二十六日至洛

陽二十九日受朝於文明殿晉天福三年十月五日契

丹遣使上尊號曰英武明義皇帝七年六月十三日崩

於鄴都大內之保昌殿十五年其年十月十日葬顯陵在洛

京齊安諡曰聖文章武明德孝皇帝廟號高祖哀冊文中書

侍郎平章諡冊文中書侍郎平章諡議太常卿年號一

天福盡宰相五人馮道趙瑩桑維使相二十

二人馬希範王建立范延光李周李從暉

侯益楊光遠安審琦安彥威馬希杲安叔千

李德珣杜仁塗桑維翰鮑君福劉景耀馬全節

少帝諱重貴高宗從子父敬唐天祐十一年六月二十

七日生於太原汾陽里

以其日為改聖節

天福三年十二月授

開封尹封鄭王六年十一月授廣晉尹封齊王七年六

月十三日即位於樞前

十九年二

開運二年十二月契丹犯

闕明年正月降封負義侯其月舉族遷於契丹之黃龍

府年三十四年號二

天福自七年至九年改開運開運盡三年

宰相六人

馮道趙瑩

桑維翰

李穀馮玉

使相二十八人

高從誨錢宏佐

王曦馮道

朱文進

李守正

石贊

楊遠

社重威

李從溫馮道

李周

景延廣

桑維翰

張從光

安叔千

馮道

趙瑩

李彝殷

符彥卿

皇甫遇

高行周

趙在禮

李德珣

安審琦

馬全節

安審信

劉景巖

漢高祖睿文聖武昭肅孝皇帝姓劉氏諱曷

追冊章聖皇帝長子母追冊章懿皇

后安氏

唐乾寧二年二月四日生於太原

以其日為壽節

晉天福六年七月授

北京留守開運三年四月封北平王四年二月十五日受冊於

太原府第其年六月十一日至東京受朝於崇元殿改名曷

五年

十二初名知遠

乾祐元年正月二十七日崩於大內萬壽殿

年五十四其

年十一月二十七日葬睿陵

在洛京都城

諡曰睿聖文武昭

肅孝皇帝廟號高祖哀冊文

右僕射平章事蘇禹珪撰

諡冊文

右僕射平章事

蘇禹珪傳 謚議

太常卿張昭撰

年號一

乾祐盡元年

宰相四人

竇貞固蘇逢吉

蘇禹珪 使相二十人 高從誨 馬希廣 錢宏傑 杜重威
李濤 高行周 劉信 李守正 符彥卿

安審琦 侯益 劉崇 李從敏 劉銖 白文珂
史宏肇 慕容彥超 安叔千 李彝殷 王周 馮暉

隱帝諱承祐 高祖第二子 母曰皇后 李氏 長興二年三月九日生於

太原 以其日為嘉慶節 乾祐元年二月一日封周王其日即位

於樞前 八年 十三年十二月二十一日為左右郭允明弒

於京北之趙村 年二十 周廣順元年五月追謚曰隱帝其

年八月十二日葬頽陵 在許州陽翟縣 年號一 乾祐盡三年 宰相五

人 竇貞固 蘇逢吉 蘇禹珪 使相三十三人 高從誨 李濤 楊邠 馮希廣

錢宏俶 錢宏餘 高保融 高行周 李守正 符彥卿

馮暉 慕容彥超 侯益 李從敏 劉崇 劉鉢

白文珂 史宏肇 劉信 安審琦 李彝殷 常思

王景 武行德 侯章 王晏 張彥威 王章

趙暉 高允權 郭從義 劉贊

史匡懿 王守恩 孫方諫

周太祖聖神恭肅文武孝皇帝姓郭氏諱威追冊章肅皇帝長子

母追冊章德皇后王氏 唐天祐元年七月二十八日生於邢州堯

山之舊宅以其日為永壽節 漢乾祐三年四月授鄴都留守

黃樞密使其年十二月二十七日監國廣順元年正月

五日即位於崇元殿年四十八 顯德元年正月一日上尊號

曰聖明文武仁德皇帝其月十七日崩於大內之滋德

殿十五年其年四月十二日葬嵩陵在鄭州新鄭縣諡曰聖神恭

肅文武孝皇帝廟號太祖哀冊文中書侍郎平章事王溥撰諡冊文

右僕射平章事李穀撰諡議太常卿曰敏撰年號二廣順盡二年顯德盡元年宰相七

人馮道實貞固蘇禹珪王峻使相四十二人

高保融錢宏俶高行周安審琦符彥卿李彝殷

馮暉王峻李宏義白文珂慕容彥超趙暉

缺侯益武行德王晏張彥威常思

侯章史匡懿李從敏薛懷讓王繼宏王景

郭從義孫方諫王守恩李暉扈彥珂折從阮

劉訓郭勳楊信何福進李洪信劉言

郭 崇 李 筠 鄭 仁 誨
曹 英 王 彥 超 王 遠

世宗睿武孝文皇帝諱榮太祖養子姓榮氏追冊聖穆皇后之姪也唐天祐

十八年九月二十四日生於邢州之別墅以其日為天清節廣

順三年三月授開封尹封晉王顯德元年正月判內外

兵馬事其月二十日即位於樞前年三十四六年六月十九

日崩於大內之萬歲殿年三十九其年十一月一日葬慶陵

在鄭州管城縣諡曰睿武孝文皇帝廟號世宗哀冊文禮部尚書平章

事王中書侍郎平章諡議翰林學士中書舍人判太常寺竇儼撰年

溥撰 諡冊文 事魏仁浦撰 諡議 人判太常寺竇儼撰 年

號一

元稱顯德
盡六年

宰相五人

范質
景範

李穀
魏仁浦

王溥

使相三十五人

高保融
安審琦

錢宏徽
符彥卿

王範
白文珂

李彝殷
李宏義

趙暉

武行德
王晏

侯章

王繼宏

王景

郭從義

孫方諫
王守恩

李暉

扈彥珂

折從阮

劉訓

郭勳
李宏信

楊信

鄭仁誨

曹英

郭崇

王彥超
李筠

王逵

周行逢

李重進

向訓

韓通

大將六人

韓今上
通

李重進
韓令坤

張承德
袁彥

恭帝諱宗訓

世宗後
宮所生

廣順三年八月四日生於澶州

具

日為天
壽節

顯德六年六月封梁王其月九日即位於樞前

年七
歲

七年正月禪位於宋其年降封鄭王

年八
歲

宋開寶

六年春崩於房陵

其月十日

追諡恭帝葬順陵

在世宗慶陵之側

年

號一

依舊稱

宰相三人

范質王溥

王溥

王溥

使相二十人

高保融

錢宏徽

符彥卿

武行德

王晏

王晏

王景

王景

郭從義

向拱

李宏信

郭崇

王彥超

李筠

李筠

李筠

李筠

李重進

李彝殷

周行逢

楊信

楊信

大將七人

今上

張鐸

韓通

張承德

李宏蕤

侯章

侯章

侯章

侯章

張鐸

張鐸

李重進

韓通

韓令坤

石守信

高懷德

雜錄

唐清泰元年四月羣臣議明宗諡於南郊太常卿盧文

紀請諡曰聖智仁德欽孝皇帝廟號明宗宰臣馮道議

金史卷一百一十一
卷一
曰按諡法發號出令能悅民曰和克定禍亂曰武大行
皇帝道契天和功定神武請改聖智仁德四字為聖德
和武餘依太常所議從之

晉天福六年八月中書門下奏山陵禮儀使狀高祖尊
號諡及廟號伏準故事將啟殯宮前擇日命太尉率百
寮奉諡冊告天於園立畢奉諡冊跪讀於靈前此累朝
之制蓋以天命尊極不可稽留今所上高祖聖文章武
明德孝皇帝尊諡寶冊伏緣去洛京地遠寶冊難以往

來當司詳酌復請祇差官往洛京告奏南郊太廟其日
中書門下文武百官立班中書令侍中升靈坐前讀冊
寶行告諡之禮今從欲牒所司擇日申請官負行事復
請奏聞宣下者

追諡皇帝

梁肅祖宣元皇帝諱黯

舜司徒虎四十二代孫

開平元年七月追

尊宣元皇帝廟號肅祖葬興極陵

在單州碭山縣

敬祖光獻皇

帝諱茂林

宣元皇帝長子母曰宣僖皇后范氏

開平元年七月追尊光獻

皇帝廟號敬祖葬永安陵

在單州碭山縣

憲祖昭武皇帝諱信

光獻皇帝長子母曰光孝皇后楊氏

開平元年七月追尊昭武皇帝廟號

憲祖葬光天陵

在單州碭山縣

烈祖文穆皇帝諱誠

昭武皇帝長子母曰

昭懿皇后劉氏

開平元年七月追尊文穆皇帝廟號烈祖葬咸

寧陵

在單州碭山縣

右已上梁朝追尊四廟

後唐懿祖昭烈皇帝諱執宜

沙陀府都督拔野之六代孫

同光元年

閏四月追尊昭烈皇帝廟號懿祖葬永興陵

在代州鴈門縣獻

祖文皇帝諱國昌

昭烈皇帝長子母曰昭烈皇后崔氏

同光元年閏四月

追尊文皇帝廟號獻祖葬長寧陵

在代州鴈門縣

太祖武皇帝

諱克用

文皇帝第一子母曰文景皇后秦氏

同光元年閏四月追尊武皇

帝廟號太祖葬建極陵

右已上後唐莊宗朝追尊三廟

按實錄並唐高祖太宗懿宗昭宗共立七廟

惠祖孝恭皇帝諱聿天成二年十二月追尊孝恭皇帝

廟號惠祖葬遂陵

在應州金城縣

毅祖孝質皇帝諱教

孝恭皇帝長子

母曰昭皇

右崔氏

天成二年十二月追尊孝質皇帝廟號毅祖

葬衍陵

在應州金城縣

烈祖孝靖皇帝諱琰

孝賢皇帝長子母曰順皇后張氏

天成二年十二月追尊孝靖皇帝廟號烈祖葬奕陵

在應

州金城縣

德祖孝成皇帝諱霓

孝靖皇帝長子母曰穆皇后何氏

天成二年

十二月追尊孝成皇帝廟號德祖葬慶陵

在應州金城縣

右已上後唐明宗朝追尊四廟

晉靖祖孝安皇帝諱璟

衛大夫 諱之後

天福二年五月追尊孝

安皇帝廟號靖祖葬義陵肅祖孝簡皇帝諱彬

孝安皇帝長子

母曰元皇 后秦氏

天福二年五月追尊孝簡皇帝廟號肅祖葬

惠陵睿祖孝平皇帝諱昱

孝簡皇帝長子母曰恭皇后安氏

天福二年

五月追尊孝平皇帝廟號睿祖葬康陵憲祖孝元皇帝

諱紹雍

孝平皇帝長子母曰獻皇后來氏

天福二年五月追尊孝元皇

帝廟號憲祖葬昌陵

在北京晉陽縣

右已上晉朝追尊四廟

漢文祖明元皇帝諱湍

東漢顯宗第八子淮陽王昞之後

天福十二年閏七

月追尊明元皇帝廟號文祖葬懿陵

無陵所遙申朝拜

德祖恭禧

皇帝諱昞

明元皇帝長子母曰明皇后李氏

天福十二年閏七月追尊恭禧

皇帝廟號德祖葬沛陵

無陵所遙
申朝拜

翼祖昭獻皇帝諱僕

恭禧皇帝長子母
曰恭惠皇后楊氏

天福十二年閏七月追尊昭獻皇帝

廟號翼祖葬威陵

北京晉陽
縣是其所

顯祖章聖皇帝諱瑛

昭獻
皇帝

長子母曰昭
穆皇后李氏

天福十二年閏七月追尊章聖皇帝廟號

顯祖葬肅陵

右已上漢朝追尊四廟

周信祖睿和皇帝諱璟

周毓叔
之後

廣順元年七月追尊睿

和皇帝廟號信祖葬溫陵

無陵所遙
申朝拜

僖祖明憲皇帝諱

諡睿和皇帝長子母廣順元年七月追尊明憲皇帝廟

號僖祖睿恭皇后張氏葬齊陵無陵所遙義祖翼順皇帝諱蘊明憲皇帝明憲皇帝長子

母曰明孝廣順元年七月追尊翼順皇帝廟號義祖翼順皇帝長子母葬

節陵無陵所遙慶祖章肅皇帝諱簡翼順皇帝長子母韓氏

廣順元年七月追尊章肅皇帝廟號慶祖葬欽陵

右已上周朝追尊四廟

皇后

梁太祖皇后張氏早崩開平二年追封賢妃至乾化二年十一月二十三日追冊曰元正皇

后少帝妃張氏

乾化五年九月二十四日冊為德妃其夕薨

後唐太祖皇后

曹氏

同光元年四月冊為皇太后二年二月勅皇太后所居宮宜名長壽宮至三年七月崩諡曰正簡八

月中書門下奏據禮儀使狀准禮及故事太常少卿定諡太常卿署定日告天地宗廟伏准禮文賤不得誅貴子不得爵母后必諡於庶者受成於祖宗今皇太后諡請太常卿署定後集百官連署諡狀訖讀於太祖武皇帝室燕後差丞郎一人撰冊文別定日命太尉上諡冊於西宮靈座同日差有司告諡於天地太微宮宗廟如常告之儀從之至九月中書門下奏大行皇太后諡讀於太廟太祖武皇帝室其日合集兩省御史臺五品以上尚書省四品以上官於太廟序立俟行告禮畢中書班首一人升階詣太祖武皇帝請諡訖奏聞別擇日上諡冊於西宮靈座及奏

莊宗皇后劉氏

同光二年四月十三日冊為皇后莊宗遇

告天地宗廟從之

內難奔於太原為符彥超所害晉天福五年正月二十八日追諡曰神閔敬皇后

明宗皇后夏

氏早崩長興四年三月二十八日追諡曰昭懿皇后於太徽宮之東建寢廟以安神主 皇后曹氏

天成三年正月冊為淑妃長興元年正月冊為皇后至清泰三年又十一月隨末帝崩於後樓晉高祖使人護葬至晉天

福五年正月二十八日追冊曰和武顯皇后 皇后魏

氏初封魯國太夫人清泰二年二月中書門下奏臣聞漢昭帝永祚御歷奉尊諡於雲陽魏明帝繼體守文

思外家於甄館而皆追崇歲稱祔饗廟庭克隆敬本之文式叶愛親之道臣等又覽國史竊見玄宗皇帝母曰

昭成皇后竇氏代宗皇帝母曰章敬太后吳氏始嫡朱耶俄闕立宮鴻圖既屬於明君尊號咸追於聖母伏以睿

國夫人發祥沙麓貽慶河洲三后最賢周母允承於天統四妃有子唐宮先啟於帝基仰惟當宁之情彌軫寒

泉之思久虛殷薦慮損皇猷臣等謹上尊諡曰宣憲皇
太后請依昭成皇太后故事擇日備禮冊命又臣等伏
聞先太后舊陵永祔先祠則都下難崇別業既追尊諡
合鞠闕宮按漢朝故事園寢不在王畿或就陵所更立
寢祠今商量上謚後權立廟以中
告獻配祔之禮請俟他年從之

閔帝皇后孔氏

初封魯國

夫人應順元年四月為末帝所害晉天

末帝皇后劉氏

福五年正月二十八日追謚哀皇后

清泰元年八月二十八日冊為皇后至三年
又十一月二十九日與帝遇難同崩于後樓

晉高祖皇

后李氏

唐明宗第五女天成三年四月封永寧公主長
興四年九月進封魏國長公主清泰二年四月

改封晉國長公主至天福元年十一月尊為皇后七年
六月尊為皇太后開運四年三月與少帝同遷于契丹
之黃龍府漢乾祐三年八月
二十五日崩于番中之建州

少帝皇后張氏

天福八年十月追冊

皇后馮氏

開運三年十月冊

漢高祖皇后李氏

天福十二年四月八日冊為皇

后至乾祐三年七月冊為皇太后周廣順元年正月上尊號曰昭聖皇太后

周太祖皇后柴

氏

漢末遇害顯德四年四月追冊曰正惠皇后

世宗皇后符氏

顯德元年三月冊為皇后至三年七

月崩追冊曰宣懿皇后

皇后符氏

宣懿皇后之女弟也顯德六年六月冊為皇后

雜錄

後唐同光元年四月太常禮院奏准制以此月十三日行皇后冊禮今檢詳臨軒命使冊皇后舊儀皇后廟見如納后之儀受冊後合別定廟見日其日皇后乘重翟

車函簿鼓吹儀仗前導從之又奏謹按開元禮臨軒冊
皇后皇后表謝朝皇太后並如納后之儀不載朝謝皇
帝之禮准納后儀則皇帝服冕袞袞降迎於門恐禮太重
今詳酌其日常服內御殿皇后首飾禕衣尚衣引入至
殿庭階前再拜訖退如常儀從之

內職

梁太祖昭儀陳氏昭容李氏

後唐太祖妃劉氏

同光元年四月冊為皇太妃

魏國夫人陳氏

唐乾寧二

年冊為
皇太妃 莊宗淑妃韓氏德妃伊氏
冊以宰臣盧革章說

為冊使出應天門登輅車面簿鼓吹前導至於永福降
車入右銀臺門至淑妃宮受冊於內文武百官立班稱

賀昭儀侯氏封濟國夫人昭容夏氏封號國夫人昭媛白氏封汧國夫人

人出使美宣鄧氏封魏國夫人御正楚真張氏封涼國夫人司簿

德美周氏封宋國夫人侍直吳氏封延陵郡夫人懿才王氏封太原夫人

咸一韓氏封昌黎郡夫人瑤芳張氏封清河郡夫人懿德王氏封太原夫人

宣一馬氏封扶風郡夫人並同明宗德妃王氏天成三年正月

冊立長興二年四月進號淑妃應順元年又正月
十三日冊為太妃至周廣順元年四月追謚賢妃 昭儀

王氏封齊國夫人 昭容 葛氏封晉國夫人 昭媛 劉氏封趙國夫人 孫氏

封楚國夫人 御正 張氏封曹國夫人 司寶 郭氏封魏國夫人 司贊于氏

封鄭國夫人 尚服 王氏封衛國夫人 司記 崔氏封蔡國夫人 司膳 翟氏

封滕國夫人 司醞 吳氏封莒國夫人 婕妤 高氏封渤海郡夫人 美人 沈氏

封太原郡夫人 順御 朱氏封吳郡夫人 司飾 聊氏封潁川郡夫人 司衣 劉氏

封彭城郡夫人 司藥 孟氏封咸陽郡夫人 梳篦 張氏封清河郡夫人 衣服 王氏

封太原郡夫人 梳篦 傅氏封潁川郡夫人 知容 張氏賜號尚書 故江氏追封濟陽

郡夫人 己上皆長興三年九月勅其名內人李氏封隴西縣

號皆中書門下按六典內職倣而行之

君崔氏

封清河縣君

李氏

封成紀縣君

田氏

封咸陽縣君

白氏

封南陽縣君並

長興四年二月勅按前代內職皆無封君之禮此一時之制

晉高祖潁川郡夫人蔡氏

天福三年八月勅

少帝寶省李氏

封隴

西郡夫人張氏

封春宮夫人充皇后宮尚宮並天福八年十一月二日勅

前左御正齊國

夫人吳氏

進封燕國夫人

書省魏國夫人崔氏

進封梁國夫人

前右御

正天水郡夫人趙氏

封衛國夫人

司簿孟氏

封汧國夫人

前司簿

李氏

封隴西郡夫人

弟子院使齊氏大使郭氏副使賈氏

並封本縣君

太后宮尚宮陳留郡夫人何氏

進封鄭國夫人

河南郡夫人元

氏進封齊國夫人

番知客出使夫人石氏

封武威國夫人

春宮姚氏常氏

焦氏王氏陶氏魏氏趙氏七人

並起封郡夫人

寶省婉美趙氏

封天

水郡夫人

武氏己下十一人

並授春宮天福八年十一月勅

清河郡夫人張

氏彭城郡夫人劉氏

並本宮太后官司寶

南陽郡夫人路氏出使

夫人趙氏白氏

並充皇后官司寶開運二年八月勅

周太祖貴妃張氏

廣順元年二月追冊

淑妃楊氏

廣順元年九月追冊

德妃

董氏

廣順元年四月追冊

尚儀趙氏

封沂國夫人

尚服蘓氏

封岐國夫人

尚

宮甫氏

封汾國夫人

司賓高氏

封梁國夫人

司賓柴氏

封平陽郡夫人

司

賓茹氏

封潁川郡夫人

司記丁氏

封隴西郡夫人

司記劉氏

封彭城郡夫人

典

寶李氏

封隴西縣君

司寶王氏

封琅邪縣君

司正李氏

封隴西縣君

司

正王氏

封琅邪縣君

尚食李氏

封隴西縣君

尚功曹氏

封鉅野縣君

司

衣李氏

封隴西縣君

司藥林氏

封會稽縣君

司藥翟氏

特封潯陽縣君

並廣

順元年
八月勅

出宮人

梁開平元年九月勅西宮所有前朝宮人宜放出宮任

從所適

後唐天成元年四月赦勅後宮內職量留一百人其餘
任歸骨肉

五代會要卷一

欽定四庫全書

五代會要卷二

宋 王溥 撰

諸王

梁太祖長子友裕 郴王

開平三年十月追封

第二子友文 博王

開平

元年五月九日封冊

第三子友珪 郢王

開平元年五月九日封至乾化二年六月三日篡位

偽改鳳曆元年三月十七日京城軍亂侍衛都將袁象先率兵入宮友珪自殺少帝即位追削為庶人

第

五子友璋 福王

開平元年五月九日封

第六子友雍 賀王

開平元年五月

九日封

第七子友徽建王

開平元年五月九日封

第八子友孜康王

乾化三年三月十二日封

後唐太祖第二子存美邕王第三子存霸永王第四子

存禮薛王第五子存渥申王第六子存乂睦王第七子

存確通王第八子存紀雅王

並同光三年閏十二月封

莊宗長子繼

岌魏王

同光元年四月申書門下奏皇子准故事合帶宮使請以繼岌為興聖宮使從之至三年九月

二十三日封為魏王繼潼繼蟾繼嵩繼峽皆皇子也同光三年二月勅並可光祿大夫檢校司徒

明宗

第二子從璟

為元行欽所殺天成三年六月追贈太保未封王

第三子從榮秦

王 長興元年八月封至四年十一月謀逆伏誅追削為庶人清泰元年十月勅故庶人從榮獲罪先帝貽禍

厥身已歷歲時未嘗寤兆雖軫在原則之念宜從有國之規且令中書門下商量葬禮尋據太常禮院伏奏請准

唐貞觀中庶人承乾派死 第四子從璨 為安重誨所陷黔州仍葬以公禮從之 天成四年三月

責授房州司戶參軍尋殺之至長 第五子從益許王 與四年七月追贈太保未封王

四年五月封至晋天福四年封邠國公為二王後奉唐帝祀至開運三年契丹犯京師復封為許王尋為番將蕭

翰偽立為帝知南朝軍 末帝長子重吉 為愍帝所害未國事漢高祖入洛遇害 封王清泰元年

七月追冊為太 第二子重美雍王 清泰三年 尉立廟於萊州 正月封

晉高祖長子重英號王 第二子重義壽王 權洛京留守 為張從賓所

害 第三子重允 剡王 第四子重信 沂王

權河南節度使
為張從賓所害

第五子重進 夔王

並天福七年
四月追封

第六子重杲 陳王

天福七年

五月
追封

第七子重睿

許州節度使
未封王

少帝 長子 延煦

遙領陝西
節度使

第二子延寶

遙領曹州節度使
按寶錄皆帝之從子
養為己子

漢高祖長子承訓 魏王

天福十二年
二月追封

第三子承勳 陳王

周廣順元年

三月追封

周太祖第二子侗 郟王 第三子信 杞王

並漢末遇害顯
德四年四月追

封

世宗長子宗誼 越王

並漢末遇害顯
德四年四月追封

第三子宗讓

曹王

改名
熙讓

第四子熙謹紀王第五子熙誨蘄王

並顯德
六年追

封

雜錄

後唐同光四年三月內人郡王景姁奏唐昭宗諸王及
皇子弟宗屬千餘人當朱梁弑逆之時同時遇害為三
坑瘞於內西右龍興寺北請合為一冢改葬勅宜令太
常禮院以故漢王一人為首一品禮葬仍委河南府監
護喪事長興元年九月太常禮院奏草定冊秦王儀注

博士段頤議曰據開元禮臨軒冊命諸王大臣其日受冊者朝服從第鹵簿與百官俱集朝堂就次受冊訖通事舍人引不戴謁廟還第之儀自開元以後冊拜諸王皆正衙命使詣延英門進冊皇帝御內殿高品引王入立於位高品宣制讀冊王受冊訖歸院亦無乘輅謁廟之禮臣按五禮精義云古者皆因禘嘗而發爵祿所以示無自專稟之祖宗也今雖冊命不在烝嘗然拜大官封大邑必至殿廷敬順之道也今當司欲准開元

禮其日秦王服朝服自治所乘輅車備鹵簿與羣臣俱
集朝堂就次受冊訖至應天門外奉冊置於載冊之車
秦王升輅出謁太廟訖歸理所儀仗鹵簿如來時之儀
從之

公主

梁太祖長女安陽公主

降羅延規早卒開
平三年八月追封

長樂公主

降趙

暉開平九年五月
月十一日封

普寧公主

降王昭祚開平元
年五月十一日封

金華公

主開平二年
十月封

真寧公主

乾化三年十
月五日封

少帝長女壽春公

主 乾化三年四月五日封 第二女壽昌公主 正明九年九月二十五日封

後唐武皇長女瓊華長公主 降孟知祥同光三年十二月封 第二女瑤

英長公主 降張延釗同光三年十二月封 明宗長女永寧公主 降晉高祖天成

三年四月封至長興四年正月改封魏國 第十三女興

平公主 降趙延壽天成三年四月封至長興四年九月改封齊國公主至清泰三年三月追封燕國長

公主 第十四女壽安公主 長興四年六月封 第十五女永樂公主

長興四年六月封

晉高祖長女長安公主 降楊承祚天福二年五月封至六年五月卒追封秦國公主至

七年九月又追封梁國長公主 從長女高平縣主 第二女新平縣主 第

三女千乘縣主 孫女永慶縣主 並天福七年五月封

漢高祖長女永寧公主 降宋延渥天福十二年四月封 至乾祐二年十二月追封秦國

長公主

周太祖第三女樂安公主 為漢室所害 廣順元年二月追封至顯德四年四月又追

封莒國第四女壽安公主 降張永德 廣順元年四月封 長公主 至顯德元年四月封 晉國長

公 第五女永寧公主 廣順元年九月追封至顯德四年四月又追封梁國長公主

婚禮

後唐同光元年七月太常禮院奏按本朝舊儀自一品至三品婚姻得服袞冕劍佩衣九章今皇子興聖宮使繼岌雖未封建官是檢校太尉合准一品婚姻施行其妃準禮婦人從夫之爵亦准一品命婦禮至親迎日太常鹵簿鼓吹前導乘輅車其妃花釵九枝博鬢褕翟衣九等其日平明皇帝差官告親廟一室宗正卿攝婚主行禮其夕親迎興聖宮使乘輅車鹵簿鼓吹前導至女氏之門以結綵車御輪交率一作車從之

晉天福四年八月中書門下奏據太常禮院定來年長安公主出降儀太僕寺供厭翟二馬車殿中省備團方編扇各十六行障三座障三傘一大扇一團大扇二今車障傘扇是同光元年皇后法物欲備飾牙仗厭翟車后以四馬

今權去二馬

從之

五年二月太常禮院奏長安公主以三月出降按唐德宗朝禮儀使顏真卿議婚用誕馬在禮無文周禮諸侯以璋聘女禮云玉以比德今請駙馬都尉加以璋郡主

之婿加玄纁以代用馬書函之禮出自近代事無正經請廢之勿用詔曰納采之時主人再拜使者不答雖開元禮具載其儀今宜答拜仍令鄭王重貴主其婚禮中外不賀餘依所奏

親拜郊

梁太祖南郊二

開平三年五月二十四日其年十一月二日

後唐莊宗南郊

一同光二年

明宗南郊一

長興元年二月二十一日其夜微雨上名司天官問之奏

日聖德動天百靈斯會故也夜至半雨止天色清明如晝皆以為聖德所感

周太祖南郊一

顯德元年

正月一日

雜錄

梁開平二年十一日南郊禮儀使奏今檢詳禮文皇帝
赴南郊服通天冠絳紗袍登玉輅法駕鹵簿自清遊隊已
下諸衛將軍平巾幘緋兩襠大口袴錦螭蛇銀隱起金
帶刀弓箭以飛執旗人引駕三衛並武弁緋兩襠大口
袴供奉官並武弁服色各一人步從餘文武官及導駕
士絳衣平巾幘餘並戎服准式近侍導駕官自三引車

從本縣令州府御史大夫即朝服各乘輅車前導其引
駕官員不總備車輅自中書令侍中已下則公服內諸

司使並常服內人服色禮文不載

其年自東都赴洛都
行郊天禮自石橋備

前件儀仗
至郊壇

三年正月以河南尹張宗奭為南郊大禮使

故事皆以宰相為之今
以河南尹充非常例也

後唐同光二年正月禮儀使奏南郊朝饗太廟合祭天
地於圜丘舊制以親王充亞獻行事乃以皇子繼岌為
亞獻皇弟存紀為終獻天成四年九月太常禮院奏

來年二月十八日致齋於明堂准舊儀皇帝服通天冠
絳紗袍文武五品以上着袴褶陪臣近例祇著朝服從
之

周廣順三年九月太常禮院奏准勅定郊廟制度洛陽
郊壇在城南七里丙巳之地園丘四成各高八尺一寸
下廣二十丈再成廣十五丈三成廣十丈四成廣五丈
十有二陛無節十二等燎壇在泰壇之丙地方一丈高
一丈二尺闊上南出戶方六尺請下所司修奉從之

時太

祖將拜南郊
故修奉之

親饗廟

梁太祖二饗廟

開平三年正月二十二日
其年十月三十日

後唐莊宗一饗

廟

同光二年正月二十九日

明宗一饗廟

長興元年二月十九日

周太祖一饗

廟

廣順三年十二月十九日

廟儀

梁開平元年夏四月太祖初受禪乃立四廟於西京從

近古之制也

後唐同光二年六月十日太常禮院奏國家興建之初已於北都置廟今尅復天下遷都洛陽固宜建置宗廟按禮無二廟之文其北都宗廟請廢下尚書王正言等奏議曰伏以宮室之制宗廟為先今卜洛居尊開基御宇事當師古神必依人北都先置宗廟不宜並設况每年朝享禮有常規時日既同神何所據竊聞近例亦有從權如神主已修迎之藏於夾室若廟宇已崇虛之以為常制若齊桓公之廟二主禮無明文古者師行亦無遷

於廟主昔天后之崇鞏洛禮謂非宜漢王之戀豐滕事
無所法况本朝故事禮院具明洛邑舊都高丘正位豈
宜遠宮闕之居建祖宗之廟事非可久理在從長其北
都宗廟請准太常禮院申奏宜從廢停從之

天成元年中書舍人馬縞奏曰伏見漢晉已來以諸侯
王宗室承襲帝統除七廟之外皆別追尊私親漢光武
皇帝立先四代於南陽其後桓帝已下亦皆上考前修
追崇先代乞依兩漢故事別立親廟詔下尚書省集百

官定議禮部尚書蕭頊等議曰伏見方冊所載聖概斯存將達蘋藻之誠宜新崇稅之制臣等集議其追尊位號及建廟都邑乞依馬縞所議二年中書門下又奏伏以兩漢以諸侯王入繼帝統則必易名上議廣孝稱皇載於諸史故事孝德皇孝仁皇孝元皇是也伏乞聖慈俯從人願幸追王而薦號兼上諡以尊名改置園陵仍增兵衛遂詔太常禮院定其儀制太常博士王丕等引漢桓帝入嗣尊其祖河間孝王曰孝穆皇父蠡吾侯曰孝

崇皇為例請付太常卿定諡刑部侍郎權判太常卿馬縞復議曰依准兩漢故事以諸侯王宗室入承帝統亦必追尊父祖修樹園陵西漢宣帝東漢光武孝享之道故事具在自安帝入嗣遂有皇太后令別崇諡法追曰某皇所謂孝德孝穆之類是也前代惟孫皓自烏程侯繼嗣追父和為文皇帝事出非常不堪垂訓今據禮院狀漢安帝已下若據本紀又不見有帝字伏以諡法德象天地曰帝伏緣禮院已曾奏聞難將兩漢故事便述

尊名請詔百官集議右僕射李琪等議曰伏睹歷代已
來宗廟成制繼襲無異沿革或殊馬縞所奏誠有經據
乞下制命令馬縞據依典冊以述尊名乃下詔曰朕聞
開國承家得以制禮作樂故三王不相襲五帝不相沿
隨代創制於理無爽矧或情關祖禰事係蒸嘗且追諡
追尊稱皇與帝既有減增之字合陳褒貶之辭大約二
名俱為尊稱若三王之代不可加帝五帝之代不可言
皇爰自秦朝便兼其號至若立元皇帝事隔千祀宗追

一源猶顯冊於鴻名豈須遵於漢典况朕居九五之位
為億兆之尊不可總二名於眇躬惜一字於先代苟隨
執議何表孝誠可委宰臣與百官詳定集兩班於中書
各陳所見惟李琪等請於祖禰二室先加帝字宰臣合
眾議奏曰恭以朝廷之重宗廟為先事係承祧義符致
美且聖朝追尊之日即引漢氏舊儀在漢代封崇之時
復依何代故事理闕凝滯未叶聖謀道合變通方為民
則且王者功成治定制禮作樂正朔服色尚有改更尊

祖奉先何妨沿革若應州必立別廟即地遠上都今據
開元中追尊臯陶為德明皇帝涼武昭王為興聖皇帝
皆立廟於京都臣等商量所議追尊四廟望依御札
並加皇帝之號兼請於洛京立廟勅宜於應州舊宅立
廟餘依所奏其年八月太常禮院奏莊宗神主以此月
十日祔廟七室之內合有祧遷中書門下奏議議祧懿
祖一室後下百僚集議禮部尚書蕭頊等奏議請從中
書所議從之

應順元年正月，中書門下奏：太常以太行山陵畢，祔廟。今太廟見享七室，高祖、太宗、懿祖、昭宗、獻祖、太祖、莊宗。大行升祔，禮合。祧、獻祖，請下尚書省集議。太子太傅盧質等議曰：臣等以親盡從祧，垂於舊典，疑事無質。素有明文，項莊宗皇帝再造寰區，復隆宗廟，追三祖於先代，復四室於本朝。式遇祧，遷旋成沿革。及莊宗升祔，以懿祖從祧，蓋非嗣立之君，所以先遷其室。光武滅新之後，始有追尊之儀。比祗在於南陽，元不歸於太廟。引事既

疎於故實此時須稟於新規將來升祔先廟次合祧遷

懿祖既叶隨時之義又符變體之文從之

時議者以懿祖賜姓于懿

宗以支庶繫大宗例宜以懿祖為始祖次昭宗可也不必祖神堯而宗太宗若依漢光武則宜於代州立獻祖而下親廟其唐廟依舊禮行之可也而議謚者忌咸通之懿宗又稱懿祖父子俱懿於理可乎將來邪三世與唐室四廟連序昭穆非禮也議祧者不知受氏於唐懿宗而祧之今又及獻祖以禮始祧昭宗次祧獻祖可也而懿祖如唐景皇帝豈可祧乎

晉天福三年正月中書門下奏皇帝到京未立宗廟望令所司速具制度典禮以聞從之二月太常博士段顥

議曰夫宗廟之制歷代為難爰考禮經以求故事謹按尚書舜典曰正月上日受終於文祖此是堯之廟也然猶未載其數又按郊祀錄夏立五廟商立六廟周立七廟漢初立祖宗廟於郡國共計一百六十七所至後漢光武中興後別立六廟魏明帝初立親廟四後重議依周法立七廟晉武受禪初立六廟後却立七廟宋武帝初立六廟齊朝亦立六廟隋文帝初受命立親廟四至大業元年煬帝欲遵周法議立七廟次屬傅禪於唐武德

元年六月四日始立四廟於長安至貞觀九年命有司
詳議廟制遂立七廟至開元十一年後創立九廟又按
禮記喪服小記曰王者禘其祖之所自出以其祖配之
而立四廟鄭玄注云高祖以下至禰四世即親盡也更
立始祖為不遷之廟共五廟也又按禮記祭法及王制
孔子家語春秋穀梁傳並云天子七廟諸侯五廟大夫
三廟士一廟此是降殺以兩之義又按尚書咸有一德
曰七世之廟可以觀德又按疑義云天子立七廟或四

廟蓋有其義也如四廟者從禰至高祖已上親盡故有四廟之禮又立七廟者緣自古聖王祖有功宗有德更

封

一本封下有立字

始祖即於四親廟之外或祖功宗德不拘定數

所以有五廟六廟或七廟要後代子孫觀其功德故尚書云七世之廟可以觀德矣又按周捨論云自江左以來晉宋齊梁陳相承多立七廟今顯等參詳惟立七廟四廟即並通其理伏緣宗廟事大不敢執以一理定之故檢四廟七廟之文參酌厥理俱得其宜他所論者並皆勿取伏請下

三省集百官詳議勅從之左僕射劉昫等議曰臣等今
月八日伏奉勅命於尚書省集議太常博士段顥所奏
宗廟事伏以將敷至化以達萬方克致平和必先宗廟
故禮記王制云天子七廟諸侯五廟大夫三廟疏云周
制之七者太祖廟及文王武王之祧與親廟四太祖后稷
也殷六廟契及湯與二昭二穆夏則五廟不立太祖禹與
二昭二穆而已自夏及周少不減五多不過七又云天
子七廟皆據周也有其人則七無其人則五者諸侯廟

制雖有其人則不過五此天子諸侯五七之異明矣至於三代以後魏晉宋齊隋及唐初多立六廟蓋於建國之始不盈七廟之數也今欲請自立高祖已下四親廟其始祖一廟未敢輕議伏候聖裁御史中丞張昭奏議曰臣前月中預都省集議宗廟事伏見議狀於親廟之外請別立始祖一廟近奉中書門下牒再令百官於都省議定聞奏者臣讀十四代史書見二千年故事觀諸家宗廟都無始祖之稱惟殷周二代以稷契為太祖禮記

曰天子七廟三昭三穆與太祖之廟而七鄭玄注云此周制也七者太祖后稷及文王武王與四親廟又曰殷人六廟契及湯與二昭二穆也夏后氏立五廟不立太祖惟禹與二昭二穆而已據王制鄭玄所釋即殷周以契后稷為太祖夏后無太祖亦無追謚之廟自殷周以來時更十代皆於親廟之中以有功者為太祖無追崇始祖之例具引今古即恐詞繁事要證明須陳梗槩漢以高祖父太上皇執嘉無社稷功不立廟號高祖自為

高祖魏以曹公相漢垂三十年始封於魏故為太祖晉以宣王輔魏有功立為高祖以景帝始封於晉故為太祖宋氏先世官闕卑微雖追崇帝號劉裕自為高祖南齊高帝之父位至右將軍生無封爵不得為太祖高帝自為太祖梁武帝之父順之左右齊室封侯位至領軍丹陽尹雖不受封於梁亦為太祖陳文帝父文瓚生無名位以武帝有功梁室贈侍中封義興公及武帝即位亦追為太祖周閔帝以父泰相西魏經營王業始封於周故

為太祖隋文帝輔周室有大功始封於隋故為太祖唐高祖神堯祖父虎為周八柱國隋代追封唐公故為太祖唐末梁室朱氏有帝位亦立四廟朱氏先世無名位雖追冊四廟不立太祖朱公自為太祖此則前代追冊太祖不出親廟之成例也王者祖有功而宗有德漢魏之制非有功德不得立為祖宗殷周受命以稷契有大功於唐虞之際故追尊為太祖自秦漢之後其禮不然雖祖有功仍須親廟今亦粗言往例以取證明秦稱造

父之後不以造父為始祖漢稱唐堯劉累之後不以堯
累為始祖魏稱曹參之後不以參為始祖晉稱趙將司
馬卬之後不以卬為始祖宋稱漢楚元王之後不以元
王為始祖齊梁皆稱蕭何之後不以蕭何為始祖陳稱
太丘長陳寔之後不以寔為始祖元魏稱李陵之後不
以陵為始祖後周稱神農之後不以神農為始祖隋稱
楊震之後不以震為始祖唐稱臯陶老子之後不以臯
陶老子為始祖唯唐高宗則天武后臨朝革唐稱周更

立七廟仍追冊周文王昌為始祖此蓋當時附麗之徒
不諳故實武立姬廟非越己甚曲臺之人到今嗤謂臣
遠觀秦漢至於周隋禮樂衣冠聲名文物未有如唐室
之盛武德議廟之初英才間出如溫魏顏虞通今古
封蕭薛杜達禮儀制度憲章必有師法夫追先王先母
之儀起於周代據史記及禮經云武王纘太王王季文
王之緒一戎衣而有天下尊為天子宗廟享之周公成
文武之德追王太王王季祀先公以天子之禮又曰郊祀

后稷以配天據此言之周武雖祀七世追為王號者但四世而已故自東漢以來有國之初多崇四廟從周制也况殷因夏禮漢習秦儀無勞博訪之文宜約已成之制請依隋唐有國之初創立四廟推四世之中名位高者為太祖謹議以聞勅宜令尚書省集議奏聞左僕射劉昫等再奏議曰臣等今月十三日再於尚書省集百官詳議夫王者祖武宗文郊天祀地故有追崇之典以中配享之儀竊詳太常禮院議狀惟立七廟四廟即並通其

理其它所論並皆勿取七廟者按禮記王制曰天子七廟三昭三穆與太祖之廟而七鄭玄注云此周制也詳其禮經即周家七廟之定數四廟者謂高曾祖禰四世也按周本紀及禮經大傳皆曰武王即位追王太王王季以后稷為堯稷官故追尊為天子此則即周武王初有天下追尊四廟之明文也故自漢魏以降迄於周隋創業之君追尊不過四世約周制也此禮行之已久事在不疑今參詳都省前議狀請立四廟外別引始

祖取裁未為定議續准勅據御史中丞張昭奏請創立四廟之外無封始祖之文况國家禮樂刑名皆依唐典宗廟之制須約舊章請依唐朝追尊懿祖宣皇帝獻祖光皇帝太祖景皇帝代祖元皇帝故事追尊四廟為定從之

七年七月太常禮院奏國朝見饗四廟靖祖肅祖睿祖憲祖今大行皇帝將行升祔按會要唐武德元年立四廟於長安至貞觀九年高祖神堯皇帝崩命有司詳議

廟制議者以高祖神主併舊四室祔廟今先皇帝神主請同唐高祖升祔從之

漢天福十二年閏七月太常博士段顥奏議曰伏以宗廟之制歷代為難須按禮經旁求故實又緣禮貴隨時損益不定今參詳歷代故事請立高曾祖禰四廟更上追遠祖光武皇帝為始祖百代不遷之廟居東向之位共為五廟庶符往例又合禮經詔尚書省集議吏部尚書竇正固等議曰按禮記王制云天子七廟諸侯五廟大

夫三廟疏云周制之七廟者太祖及文王武王之祧與親廟太祖后稷也又云天子七廟皆據周制也有其人則七無其人則五至於光武中興及歷代多立六廟或四廟蓋建國之始未盈七廟之數又按郊祀錄王肅云德厚者流澤廣天子可以事六代之義也今欲請立高祖以下四親廟又自古聖王祖有功宗有德即於四廟之外祖功宗德不拘定數今除四親廟外更請上追高皇帝光武皇帝共六廟從之

周廣順元年正月中書門下奏太常禮院議曰合立太廟室數若守文繼體則魏晉有七廟之文若創業開基則隋唐有四廟之議聖朝請通依近禮追諡四廟伏恐所議未同請下百官集議太子太傅和凝等議曰恭以肇啟洪圖維新黃屋左宗廟右社稷率由舊章崇祖禰辨尊卑載於前史雖質文互變義取各殊或觀損益之規或係興隆之始陛下體元立極本義祖仁開變家成國之基遵奉先思孝之道據禮官議立四親廟允叶前文從之

五代會要卷二

欽定四庫全書

五代會要卷三

宋 王溥 撰

廟制度

後唐天成三年十一月太常定奏少帝為昭宣光烈孝
皇帝廟號景宗博士呂明龜奏謹按禮經臣不誅君稱
天以謚之是以本朝故事命太尉率百寮奉謚冊告天
於園立迴讀於靈前並布七月之內謚冊入陵若追尊

定謚命太尉讀謚冊於太廟藏冊於本廟伏以景宗皇帝頃負沉寃歲月深遠園陵已脩不祔於廟則景宗帝親在七廟之外今聖朝申寃追尊定謚重新帝號須撰禮儀又禮云君不逾年不入宗廟且漢之殤沖質君臣已成晉之惠懷愍俱負艱難皆不列廟食止祀於園寢臣等竊詳故實欲請立景宗皇帝廟於園所命使奉冊書寶綬上謚於廟便奉大牢祀之其四時委守令奉薦請下尚書省集三省官詳議禮制施行左散騎常侍蕭希

甫等請依禮院所奏勅宜令本州城內選地起廟

哀帝崩於

曹州立廟

四年五月中書門下奏先據太常寺定少帝謚昭宣光烈孝皇帝廟號景宗生曾為帝享乃承祧既號景宗合入宗廟如不入廟難以言宗於理而論祧一遠廟安少帝神主於太廟即昭穆序而宗祧正今或安居別廟即請不言景宗但云昭宣光烈孝皇帝兼冊文內有基字是立宗廟諱雖尋常勅詔皆不迴避少帝是繼世之孫

不敢斥列聖之諱今改基為宗字從之

按風俗通陳孔璋曰尊卑有殺

喪祭哀敬各有攸殊欲令言著而可遵事施而不犯禮云卒哭之後宰執木鐸徇於官曰捨故而諱新故謂毀廟之主也恩遠屬絕名不可諱今昭宣上去玄宗十四世奏改冊文非典故也

晉天福四年十一月太常禮院奏議立唐廟引武德年故事祀隋三帝今請立近朝莊宗明宗閔帝三廟庶合前規詔曰德莫盛於繼絕禮莫重於敬先莊宗立興復之功明宗重光大之業建乎閔帝實繼本枝然則丕緒洪源皆遵唐室繼周者須崇后稷嗣漢者必奉高皇將啟

嚴祠當崇茂典宜立高祖太宗及莊宗明宗閔帝五廟
其月太常禮院又奏唐廟制度請以至德宮正殿隔為
五室三分之南去地四尺以石為埽中容二至廟之南
一屋三門門戟二十有四東西一屋一門門無祭戟廟
中牀鑪盤帳燭亭香寶案盛酒爵罍洗樽坩位席祭服
率如常制四仲之祭一羊一豚具如中祠幣帛牲牢之
類光祿主之祠祝之文不進不署神厨之具鴻臚督之
五帝五后凡十主未遷者六未立者四未諡者三高祖

太宗與其后暨莊宗明宗凡六主在青化里之寢宮祭前二日以殿中織扇二十迎置新廟以行享禮閔帝莊宗明宗三后及魯國孔夫人神主四座請修製祔廟及三后請定謚法從之

周廣順元年二月太常禮院上言准勅遷漢廟入昇平宮其唐晉兩朝皆五廟遷移今漢七廟未審總移為復祇移五廟勅宜准前勅並移於昇平宮其法物神厨齋院祭器祭服饌料皆依中祠例用少牢光祿等寺給其

讀文太祝及奉禮郎太常寺差每仲享以漢宗子為三
獻從之

三年九月太常禮院言准洛京廟室一十五間中分為
四室兩頭有夾室四神門每門屋三

別有齋宮神厨屋宇准禮左宗廟右社稷在國城內請

下有司修奉從之

時太祖將行郊禮遷宗
廟於東京故有是議

顯德六年七月詔以大行皇帝山陵有期神王將祔太
廟其廟屋宇舍添修否國子司業兼太常博士聶崇義

奏曰奉勅為大行皇帝山陵有期神主祔廟恐殿室缺少合重添修今詣廟內相度若是添修廟殿一間至五間並須移動諸神門及角樓宮牆仗舍及當殿正面檐袂階道亦須近東省牲立班位直至齋宮漸更迫窄今檢到古今禮文伏緣太廟東西各有夾室伏請遷易請室安大行皇帝神主以合禮文者一按唐禮太廟惟有六室至開元元年加至九廟遂有九室至大曆十四年十二月十一日代宗神主將祔太廟太常奏緣遷祔須

加夾室中輜室又元和三年十月九日重修太廟先是宗正奏下所司卜擇起修日聞奏太常院詳定禮料其合通告九室奏移神主權於廟南門內殿庭少西設行廟幕殿一十二間置丹牀幕屋五間告前二日有司陳設畢告料准常禮有司供備其行廟外令左右金吾差兵守衛如武今重圻廟殿續更添修不惟重勞兼恐未便竊見廟殿見虛東西二夾室况有未祧遷之主欲請不圻廟殿更添間數即將夾室安排六室位次所有動移神主

若准舊禮於廟庭權設行廟幕殿即恐雨水猶多難於
陳設請權於太廟齋宮內奉安神主至脩奉畢日庶為
宜稱一按禮記云廟成則於中屋剗羊以釁之夾室則
用鷄又大戴禮及通典亦有夾室察文觀象乃是備廟
之制况新主祔廟諸經有遷易之名考古沿今庶合通
理伏請遞遷諸室安大行皇帝神主以符禮意勅從之

禘祫

後唐長興元年九月太常禮院奏來年四月孟夏禘享

於太廟謹按禮經三年一禘以孟夏五年一祫以孟冬
已毀未毀之主並合食於太祖之廟逐廟功臣之名配
享於本廟之庭寶應元年定禮奉景皇帝為始封之祖
廟號太祖百代不遷每遇禘祫位居東南之尊自代祖
元皇帝高祖太宗已下列聖子孫各序昭穆南北相向
合食於前聖朝中興重脩宗廟見享高祖太宗懿宗昭
宗獻祖太祖莊宗七廟太祖景皇帝在祧之數不列廟
享將來禘祫若奉高祖居東向之尊則禘享不及於太

祖若以祧廟太祖居東向之位則又違於禮意今所脩奉祧廟神主及諸色法物已備合預請參詳事須具狀申奏勅下尚書省集議戶部尚書韓彥暉等奏議伏以本朝尊受命之祖景皇帝為始封之君百代不遷長居廟食自貞觀至於天祐無所改更聖子神孫左昭右穆自中興國祚再議宗祊以太祖景皇帝在祧廟之數不列祖宗欲尊太祖之位將行東向之議爰命羣臣同議可否伏覩本朝列聖之舊典明皇定禮之新規開元十年

特立九廟子孫遵守歷代無虧今既行七廟之規又已
祧太祖之室昔德宗朝將行禘祫之禮顏真卿議請奉
獻祖神主居東向之位景皇帝暫居昭穆之列考之於正
元則以為誤行之於今日正得其禮今欲請每遇禘祫
之歲暫奉景皇帝居東向之尊自元皇帝以下序列昭
穆從之

周顯德五年六月禘於太廟先是言事者以皇家宗廟
無祧廟之主不當行禘祫之禮國子司業聶崇義以為

前代備廟累遷及追尊未毀者皆有禘祫援引故事九條以為其證曰魏明帝以景初三年崩至五年二月祫祭明年又禘自茲已後五年為常且魏以武帝為太祖至明帝始三帝而已未有毀主而行禘祫其證一也宋文帝元嘉六年祠部定十月三日殷祀其太學博士議禘云按禘祫之禮三年一五年再宋自高祖至文帝纔亦三帝未有毀主而行禘祫其證二也梁武帝用謝廣議三年一禘五年一祫故謂之殷祭禘祭以夏祫祭以

冬且梁武乃受命之君僅追尊四廟而行禘祫則知祭者是追奉之道以時移節變孝子感而思親故薦以首時祭以仲月間以禘祫序以昭穆乃禮之經也非闕宗廟備與不備其證三也唐禮貞觀九年將祔高祖於太廟國子司業朱子奢請准禮立七廟是時乃立六廟而行禘祫今檢會要及通典并禮閣新儀皆載此禮並與實錄符同此乃廟亦未備而行禘祫其證四也貞觀十六年四月己酉光祿大夫宗正卿紀國公段綸卒太宗甚傷

悼為不視朝將出臨之太常奏禘祫祭致齋不得哭乃止此明太宗之時宗廟未備實行禘祫其證五也貞觀二十三年自九峻葬回迎神主於太極殿之西階日中行虞祭之祧有司請依典禮以神主祔廟高祖欲留神主於內寢旦夕供養申在生之敬詔停祔禮英國公李勣等抗表固請曰竊惟祖功宗德飾終之明典文昭武穆嚴配之明訓今停祔廟奉徇哀情即據典章乖替為甚又國哀已白而廟時停祭逾月之後須申大祫以唐

禮九廟觀之自太宗以上纔足七廟未有毀主將申大
祫其證六也貞觀十六年四月癸丑有司言將行禘祫
依今禮祫享功臣並得配享於廟庭禘享則不配請命
禮官學士等議太常卿韋挺等議曰其禘及時享功臣
皆應不預故周禮六功之官皆大蒸而已大蒸即祫
祭也梁初誤禘功臣左丞駁議武帝允而依行降及周
隋俱遵此禮竊以五年再祫合諸天道一大一小通人
雅論小則人臣不預大則兼及有功今禮禘無功臣誠

謂理不可易太宗改令從禮載詳此論該曉歷代援據甚明又貞觀年中累陳禘祫其證七也高宗上元三年有司祫享於太廟止有七室未有遷主通典會要及禮閣新儀俱明此禮其證八也中宗景龍三年八月帝將祠南郊欲以韋皇后助行郊禮國子司業郭山等議云皇朝舊禮圜丘分祭天地唯有皇帝親拜更無皇后助祭之文及時享并禘祫亦無助祭之事今據中宗之代國子祭酒等舉禘祫之文稱是皇朝舊禮及明太宗高

宗之朝皆行禘祫其證九也疏奏從之

配享功臣

後唐莊宗廟故昭義節度使李嗣昭故幽州節度使周
德威故汴州節度使符存審並長興二年四月勅

緣廟裁製

周廣順元年四月中書門下奏太常禮院申七月一日
皇帝御崇元殿命使奉冊四廟准舊儀服袞冕即座太
尉引冊案入皇帝降座引立於御座前向南中書令舉

冊案進皇帝播珪璋授冊使跪受轉授昇冊官其進寶授寶儀如冊案臣等參詳至時請皇帝降階授冊從之

三年九月太常禮院奏奉迎太廟神主到京其日未審皇帝親出郊外迎奉否檢討故事元無禮例伏請召三省集議勅宜令尚書省四品已上中書門下五品以上同參議司徒竇貞固司空蘇禹珪等議案吳主孫休即帝位迎其祖父於吳郡入祔太廟前一日出城野次明日常服奉迎此其例也遂署狀言以車駕出城奉迎為

是請下禮儀使草定儀注至十月禮儀使奏太廟神主
將至前一日儀仗出城掌次於西御莊東北設神主
行廟幄幕面南其日放朝羣臣早出西門皇帝常服出
城詣行宮羣臣起居畢就次神主將至羣臣班定皇帝
立於班前神主至太常卿請皇帝再拜羣臣俱拜神主
就行廟幄幕坐設常饌羣臣班於神幄前侍中就次請
皇帝謁神主既至羣臣再拜皇帝進酒畢再拜羣臣俱
拜皇帝還幄羣臣先赴太廟門外立班俟皇帝至起居

候神主至羣臣班於廟門外皇帝立於班前太常卿請
皇帝再拜羣臣俱拜皇帝還幄羣臣既次宮闈令安神
主於本室訖羣臣班於廟庭太常卿請皇帝於四室奠
享遂室皇帝再拜羣臣俱拜四室祔享畢皇帝還宮前
件儀注望付中書門下宣下從之

社稷

周廣順三年九月太常禮院奏社稷制度社壇廣五丈
高五尺五色土築之稷壇制度如社壇之制度社壇石

主長五尺方二尺剡其上方其下半根在土中四垣華飾每神門屋三間一門門二十四戟四隅連飾果愚如廟之制中可樹槐准禮左宗廟右社稷在國城內請下

所司修奉從之

時太祖將行郊禮故遷社稷於東京脩之

嶽瀆

梁開平三年八月詔曰封嶽告功前王重事祭天肆覲有國常規朕以眇身恭臨大寶既功德未敷於天下而灾祥互降於域中慮於告謝之儀有缺齋虔之禮爰修

昭報用契幽通宜令中書侍郎平章事于兢往東嶽祭
告訖

晉天福六年正月勅嶽鎮司方海瀆配地載於祀典咸
福蒸民將保豐穰宜申虔敬其嶽鎮海瀆廟宇宜各令
修葺仍禁樵採開運三年二月詔令復祭中嶽宜差河

南少尹往彼行禮

故事五嶽皆本處觀察使親齋仰降
祀文行禮頃因張全義為河南尹以

年德俱高遂令賓從攝祭近日兼差府屬
卑官至是因左輔闕虛夏秦故有是勅

周顯德七年十月詔今年冬祭海宜就差登州刺史張

順起今後逐年就差更不差使

寒食拜掃

漢乾佑三年三月寒食隱帝奉皇后幸南御園家祭樞

密使三司使從之

人君奉先之道無寒食野祭近代莊宗每年寒食出祭謂之破散故襲而

之行

周廣順元年二月寒食太祖出元化門至蒲池設御帳
遙拜諸陵非人君之禮也

武成王廟

後唐長興三年五月七日國子博士蔡同文奏伏見武成王廟中每上代釋奠漢留侯張良配坐武安君吳起等為十哲當排祭之時祇於武成王張良十哲面前其范蠡等六十四人圖形於四壁面前並無酒醢自今後乞准本朝舊制例武成王廟四壁諸賢畫像面前各宜設一豆一爵祀享中書帖太常禮院檢討禮例分析申者禮院檢郊祀錄釋奠武成廟中祀例祭以少牢其配座十哲見今行釋奠之禮伏自喪亂已來廢四壁英賢之

祭今准帖為國子博士祭同文奏武成王廟四壁英賢
請各設一豆一爵祀享者當司今詳郊祀錄武成王從
祀諸英賢各邊二實以粟黃牛脯豆二實以菜菹鹿醢
簠簋各一實以黍稷飯酒爵一禮文所設祭器魚一豆
一爵之儀奉勅武成王廟四壁英賢自此每祀至釋奠准
郊祀錄各陳脯醢諸物以祭

周顯德五年閏七月兵部申春秋上戊釋奠武成王廟
每祭差獻官三員初獻官上將軍充亞獻官上將軍充

終獻官將軍充於漢乾祐三年奉中書門下指揮帶使相
上將軍不差自後祇差大將軍行事仍改亞獻為再獻
官終獻為三獻官

祭器

周廣順三年九月南郊禮儀使奏用珪璧制度准禮祀
上帝以蒼璧地祇以黃琮祀五帝以珪璋琮琥璜其玉
各依本方正色祀日月以珪璋祀神州以兩珪有邸其
用幣天以蒼色地以黃色配帝以白色日月五帝各從

本方之色皆長一丈八尺其珪璧之狀璧圓而琮方珪上銳而下方半珪曰璋琥為虎形半璧曰璜其珪璧琮璜皆長一尺二寸四珪有邸邸本也珪著於璧而四出也日月星辰以珪璧五寸前件珪璧有圖樣而長短之說或殊按唐開元中立宗詔曰禮神以玉取其精潔比來用珉不可行也如或以玉難辦寧小其制度以取其真今郊廟所修珪璧量玉大小不必皆從古制伏請下所司修製從之

顯德四年四月禮官博士等准詔議祭器祭玉制度國
子祭酒尹拙引崔靈恩三禮義宗云蒼璧所以禮天其
長十有二寸蓋法天之十二時又引江都集禮白虎通諸書
所說云璧皆外圓內方又云黃琮所以禮地其長一尺
以法地之數其琮外方內圓八角而有好國子博士聶
崇義以為璧內外皆圓其徑九寸按阮氏鄭玄圖皆云
九寸周禮玉人職又有九寸之璧及引爾雅云肉倍好
謂之璧好倍肉謂之瑗肉好若一謂之環郭璞注云好孔

也肉邊也而不載尺寸之數崇義又引冬官玉人云璧好三寸爾雅云肉倍好謂之璧蓋兩邊肉各三寸通好共九寸則其璧九寸明矣崇義又云黃琮八方以象地每各剡出一方六寸共長八寸厚一寸按周禮䟽及阮氏圖並無好又引冬官玉人云琮八角而無好崇義又云琮璜珪璧俱是禮天地之器而爾雅唯言璧環瑗三者有好其餘諸器若琮璜等者並不言之則琮璜八角而無好明矣時太常卿田敏以下以崇義援引周禮正

文為是乃從之

牲牢

梁開平二年七月勅祭祀之典有國大事如聞官吏慢於恪敬禮容牲選有異精虔宜令御史臺疏具條件聞
奏

周顯德二年八月兵部尚書張昭等奏今月十二日奉聖旨以每年祭祀多用太牢念其耕稼之勤更備犧牲之用比諸豢養特可愍傷令臣尋討故事可以他牲

代吾臣仰稟綸言退尋禮籍其三牲八簋之用五禮六樂之文著在典彙久相沿襲累經朝代無所改更臣聞古者燔黍捭豚尚多質畧近則梁武麵牲竹脯不可宗師雖好生之德則然於奉先之儀太劣蓋禮主於信孝本因心黍稷非馨鬼神享德不必牲牢之巨細籩豆之方圓苟血祀常保於宗祧而犧牲何須於繭栗但以國之大事儒者久行易以他牢恐未為便以臣愚管見其南北郊宗廟社稷朝日夕月等大祠如皇帝親行事備

用三牲如有司攝行事則用少牢已下雖非舊典貴減犧牛其月太常少卿田敏又奏臣奉旨為祠祭用犢事令太僕寺供犢一年四季多用犢二十二頭唐武德九年十月九日詔祭園丘方澤宗廟已外並可止用少牢用少牢者用特牲時和年豐然後克修常禮又天寶六年正月十三日赦文今後每大祭祀應用騂犢宜令所司量減其數仍永為常式其年起請以舊料每年用犢二百一十二頭今請減七十三頭止用三十九頭餘

祀享並宜停用犢至上元二年九月二十一日赦文圜
丘方澤竝依常式宗廟諸祠臨時獻熟其年起請昊天上
帝太廟各太牢一餘祭則隨事而供若據天寶六載自
二百一十二頭減用三十九頭據武德九年每年用犢
十頭圜丘四方澤一宗廟五據上元二年起請惟昊天
上帝太廟又無方澤祇九頭矣今國家用牛比開元天
寶則不多比武德上元則過其大半按會要太僕寺有
牧監掌孳課之事乞今後太僕寺養孳課牛其犢過祭

昊天前三月養之滌官取其蕩滌清潔餘祭則否若臨時買牛恐非典故奉勅今後祭園丘方澤社稷並依舊用犢其太廟及諸祠宜准上元二年九月二十一日制並不用犢如皇帝親行事則依常式其日又詔曰今後諸祠祭應有牲牢香幣饌料供具等仰本司官吏躬親檢校務在精至行事儀式依附禮經大祠祭合用樂音仍須依前教習凡闕祀事宜令太常博士及監察御史用心點檢稍有因循必行朝典

五代會要卷三

欽定四庫全書

五代會要卷四

宋 王溥 撰

緣祀裁製

梁開平三年九月詔曰國之大事唯祀與戎須委元臣以專重務今後在京大小祀及諸色祠祭並委宰臣薛貽矩專判

後唐同光三年三月十日祠部奏本朝舊儀太微宮每

年五薦獻其南郊壇每年四祠祭吏部申奏請差中書門下攝太尉行事其太廟及諸郊壇並吏部差三品以上攝太尉行事從之至其年七月中書門下奏據尚書祠部狀每年太微宮五薦獻南郊壇四祠祭並宰相攝太尉行事唯太廟時祭獨遣庶寮雖為舊規慮成闕禮臣等商量今後太廟祠祭亦望差宰臣行事從之

三年十二

一作

月禮儀使奏伏准禮經喪三年不祭惟天地

鬼神社稷為越紼行事此古制也爰自漢文益尊神罷

徇至公絕私之義行以日易月之制事以相沿禮從順
變今園陵已畢祥練既除宗廟不可以乏享神祇不可
以廢祀宜從禮意式展孝思伏請自正簡太后升祔禮
畢應宗廟使樂及群祀並准舊施行從之

天成四年九月太常寺奏伏見大祠則差宰臣行事中祠
則差諸寺卿監小祠則差太祝奉禮今後凡小祠請差
五品官行事從之

其年十月二十七日中書門下奏太微宮太廟南郊壇

宰臣行事宿齋百官皆入伏以奉命行事精誠宿齋
既徧見於朝官不涉處於祠祭今後宰臣行事文武兩
班望令並不得到宿齋處者勅宜依其年十二月中書
門下奏今後宰臣致齋內請不押班不知印不赴內殿
起居或遇國忌應行事官受誓戒後並宜不赴行香并
不奏覆刑殺公事及大祠致齋內請不開宴從之

長興二年五月尚書左丞崔居儉奏大祠中祠差官行
事皇帝雖不與祭其日亦不視朝伏見車駕其日或出

於禮不便今後請每遇大祠中祠車駕不出從之

四年二月太常博士路航奏比來小祠已上公卿皆著祭服行事近日惟郊廟太微宮具祭服五郊迎氣日月諸祠並祇常服行事兼本司執事人等皆著隨身衣裝狼籍鞋屨便隨公卿升降於壇墀按祠部令中祠已上應齋郎等升壇行事者並入給潔服事畢收納今後中祠已上公卿請具祭服行事執事升壇人並著履具緋衣幘子又臣檢禮閣新儀太微宮請卽時行事近年依

諸郊廟例五更行事今後請依舊以卯時從之

清泰元年五月中書門下奏據太常禮院申明宗今月二十日祔廟太尉合差宰臣攝行現緣在假李愚十八日私忌在致齋內今劉昫又奏見判三司事煩請免祠事今與禮官叅酌諸私忌日遇大朝會入閣宣召尚赴朝叅今祔享事大忌日屬私致齋日請比大朝會宣召例差李愚行事從之

晉天福七年十一日勅天地宗廟社稷及諸祠事等訪

問自前所司承祀多不精潔宜令三司預支一年諸司合請祠祭禮料物色等於太廟置庫仍差宗正丞石載仁專主掌監察御史宋彥昇監庫兼差供奉官陳審璘往洛京於太廟內穩便處修蓋庫屋五間俟畢日催促所支物色監送入庫交收訖取收領文狀歸閣每有祠祭諸司合請禮料至時委監庫御史宋彥昇宗正丞石載仁旋令給付其大祠中祠兼令監察祭使檢點饌造小祠即令行事官檢點如致慢易本司當准格科罪其

祭器未有者修製已有者更仰雅飾

開運三年六月西京留司監祭使奏以祠祭所定行事官臨日或遇疾病或奉詔赴闕留司稟勅已遲乞以留司吏部郎中一人主判有缺便依次第定名庶無缺事從之

周廣順三年九月南郊禮儀使奏郊廟祝文按禮例云方者文字皆書於冊唐初悉用祝版惟陵廟用玉冊立宗朝祭郊廟用玉為冊德宗朝博士陸淳議准禮用祝

版祭祀訖燔之乃從其議正元七一作六年親祭又用竹冊今
詳酌禮例用竹版為宜從之

顯德五年閏七月一日御史臺奏見行事件諸司寺監
逐季請到祠祭禮料幣帛腳錢等於宗正寺監祭使與
本寺官同掌候至日供應

逐季所祭享郊壇祠廟並是禮部差官具名銜牒報監
祭使大祠前七日起尚書省受擔戒如其日有官不到
具名銜申奏申堂前三日致齋前二日請道引赴祠所

中祠不受誓戒前二日致齋前一日請道引赴祠所小祠不受誓戒候吏部牒到獻官名銜監察使檢點封記印禮料并諸司祇應人等發牒差驅使官管押赴所交割逐祠祭諸司赴郊壇等至午時與公卿行事官立班告潔省牲點饌畢給付大官令監厨造饌至來日五更於壇所食饌畢行事點檢有食饌祭器不精應奉有缺其本司人吏量罪責罰郊壇太廟宰臣攝太尉行事至受誓戒及赴祠廟日監祭使具錄公卿行事官名御申

班狀

應行事官未受誓戒前牒陳有故請假並是吏部別差
官行事如受誓戒後及致齋之內有官陳牒有故請假
監祭使差次官通攝行事祠齋前一日本寺按閱申堂
如至行事日音律樂官祇應前却監祭使量罪區分太
廟夾室行祫享之禮所差行事公卿等並聽別勅指揮
諸祠祭有同日享祀監祭使具狀申御史中丞請差
官祀若是無官可差監祭使牒太常博士通攝如缺太

常博士監祭使通攝

祠祭行事公卿官員職掌等每至冬寒請柴炭太常禮院差禮生請給監祭使監散

親謁陵

後唐末帝清泰三年九月車駕將北幸太常博士段顯奏河陽路當微陵今車駕經由合親朝謁於是至陵所朝拜

周世宗顯德元年六月車駕征太原回親拜高陵望陵

號慟至陵所俯伏哀泣感於左右再拜訖祭奠而退賜
奉陵將吏及近郊入戶帛有差

公卿巡陵

後唐清泰二年正月宗正寺奏北京永興長寧建極三
陵應州遂衍奕三陵准曹州溫陵例下本州府官朝拜
雍坤和徽四陵太常宗正卿朝拜從之

晉開運三年七月中書門下奏太常禮院狀得宗正寺
牒今年八月擇日朝拜諸陵今太卜署擇用八月十二

日庚午告北京義惠康昌四陵准天福二年七月勅宜就昌陵都朝拜其朝拜官以本府上佐官等行事禮料亦准上供備

皇后陵

後唐同光三年十月正簡皇太后葬於坤陵初上欲祔於代州太祖園陵中書門下奏議曰伏以人君以四海為家不當其南北洛陽是帝王之宅四時朝拜理須便近不能遠幸代州今漢朝諸陵皆近秦雍國朝陵寢布

列京畿後魏文帝自代遷洛後之園陵皆在河南兼勅
應勲臣之家不許北葬今魏氏諸陵尚在京畿祔葬代
州理未為允從之

雜錄

後唐二年三月以尚書工部郎中李途為長安兩路檢
視諸陵使其年五月二十四日勅宗正寺嚴切指揮諸
陵臺令丞不得輒令影占人戶其諸陵舊制合破巡人
仍仰酌量額定數目自本州縣於中等人戶內差遣交

付陵所切不得自招影占人戶攪擾鄉村致妨縣司差遣色役便仰密具本官姓名申奏當行朝典仍具條約曉示諸陵臺及本州縣訖聞奏其年八月中書門下奏諸陵臺令丞並請停廢以本縣令兼知陵臺事從之

二年六月勅關內諸陵頃因喪亂例遭穿廢多未掩修其下宮殿宇法物等各令奉陵州縣府據所管陵園修製仍四時各依例薦享遂陵各差近陵百姓二十戶放雜差役充陵戶以備洒掃其壽陵等一十陵亦一例修

掩量差陵戶仍授尚書工部郎中李途京兆少尹充奉
修諸陵使

廣順元年五月宗正寺奏准故事諸陵有令丞各一員
近令丞不置便委本縣令兼之今緣河南洛陽是京邑
恐兼令丞不便伏候勅旨勅特置令丞各一員周廣順元
年正月敕文唐莊宗明宗晉高祖宜各置守陵十戶以
近陵入戶充

忌日

後唐天成三年又八月九日勅尚書工部郎中蕭愿奏
每遇宗廟不樂之辰宰臣到寺百官立班是日降使賜
香准案禁樂斷屠止刑罰者帝忌后忌之辰舊制皆有
齋會蓋由追遠以表奉先多難已來此事久廢今後每
遇大忌宜設僧道齋一百人列聖忌日齋僧道共五十
人忌日既不視朝固難舉樂所奏止刑罰斷屠宰宜依
兼河南府向來送酒宰臣自此止絕天下州府至國忌
日並令不舉樂止刑罰斷屠宰餘且依舊

四年十二月中書門下奏今後大忌前一日請不坐朝
從之

晉天福五年正月御史中丞竇正固奏每遇國忌行香
宰臣跪爐僧人表讚文武百官儼然列坐今後伏請
宰臣跪爐百官依常位立班從之仍令行香之後齋僧
一百人永為定制

諱

後唐天成元年六月十二日勅朕聞古者酌禮以製名

懼廢於物取其難犯而易避貴便於時况徵在二名抑
有前例恭以太宗皇帝自登寶位不改舊稱時則臣有
世南官以民部靡聞曲避止禁連呼朕以眇躬托於人
上冀遵聖範非敢有廢文書內所有二字但不連稱並
不得迴避如是臣下之名不欲與君親同字者任自更
改務從所便庶體予懷

三年正月詔曰本朝列聖及親追四廟諱近日章奏偏
傍文字皆闕點畫凡當出諱止避正呼若迴避於偏傍則

虧缺於文字宜從朴素庶便公私此後凡廟諱但避正文其偏傍文字不得減少點畫

其年八月詔曰凡有姓犯廟諱者改以本望為姓

清泰二年五月中書門下奏御名上一字與諸王相連按太宗玄宗朝故事人臣諸王合避相連字改從單名從之

晉天福三年二月中書門下奏禮經云禮不諱嫌名二名不偏諱注云嫌名謂聲音相近若禹與雨丘與區也二

名不偏諱孔子之母名徵在言在不稱徵言徵不稱在
此古禮也唐太宗玄宗二名皆諱人姓與國音聲相近
是嫌名者亦改姓氏與古禮有異若廟諱平聲字即不
諱餘例若諱側字即不諱平聲所諱字正文乃偏傍皆
闕點畫望令依令式施行勅朝廷之制今古相沿道在
人弘禮非天降况以方開歷數虔奉祖宗雖逾孔子之
文爽周公之訓冀崇孝行永載簡編所為二名及嫌名
事詹朝施行

冊命

梁開平元年八月勅朝廷之儀封冊為重用報勲烈以
隆恩榮固令親式況舊章久缺自我復行今後每冊封
大臣宜令有司備臨軒之禮

後唐同光二年三月太常禮院奏准制尚書令秦王李
茂正備禮冊命檢詳舊儀無不帶節度使封冊之命宜
准故襄州節度使趙匡凝封楚國例施行秦王受冊自
備革輅一乘載冊犢車一乘并本品鹵簿鼓吹如儀從

之

三年六月太常禮院奏吳越國王錢鏐將行冊命按禮

文合用竹簡勅宜令有司修製玉冊俾稱元勳

議者以玉冊帝

王所用不合假令人臣蓋當樞密院承旨段迴受錢鏐之賂曲遂其請樞密使郭崇韜不詳典禮故也

天成三年十一月十八日中書奏舊制凡降冊命至尊

臨軒伏自陛下纂襲繼有崇封但申節度之儀尚缺臨

軒之禮今後或冊封請御正衙雖勞萬乘之尊冀重九

天之命如此則行之時禮備受之者感深寧惟轉耀於

皇猷亦永標於青史

清泰元年六月中書門下奏據太常禮院申冊拜王公
如在京城所司備鹵簿車輅法物皇帝臨軒行冊禮如
在外鎮正衙命使押冊赴本道行禮車輅法物故事不
出都城禮無明文今奉制命幽州趙德鈞封北平王青
州房知溫封東平王皆備禮冊命其合用車輅法物在
兵部太常太僕寺請載往本州行禮後送納本司從之

舉人自代

後唐清泰元年正月尚書吏部員外郎劉匡鼎奏臣伏
覩建中元年正月勅中外文武臣寮授官上任後三日
舉一人自代事下中書如除用選人所薦多者擬議多
事已來此勅久廢今後重乞舉行從之

漢乾祐元年正月赦節文應內外常叅官宜准唐建中
故事上任後三日表舉一人自代

後唐天成二年六月戶部尚書李麟奏應昇朝官四品
以上各許薦令錄兩人五品六品官各許薦簿尉兩人

勅所舉人除官後仍於官告內坐舉官姓名赴任之後
或有不公連坐舉主兼三品以上有舊諳行止堪充兩
使判官者各具才業上聞

周顯德二年正月二十一日御札應在朝文資官翰林
學士兩省官內有曾歷藩郡賓職州縣官者宜各舉堪
為令錄者一人務在強明清慎公平勤恪其中有已曾
任令錄亦許稱舉並當擢用不拘選限資序雖姻族近
親亦無妨嫌祇須舉狀內具言除官之日仍署舉主姓

名若在官貪濁不公懦弱不治職業廢缺處斷乖違並
量事狀輕重連坐仍令御史臺催提本官旋具奏聞限
兩月舉狀齊足如出使在外者俟迴日准此指揮

四年六月勅應在朝文資官各令再舉一人堪充令錄
及兩使防禦團練軍事判官者自前或因公過微有殿
犯者亦許稱舉餘准顯德二年正月二十一日御札處
分其年八月詔應在朝上將軍統軍大將率府副率等
宜令各舉有武勇膽力騎射趨捷堪為軍職者三

仍具年歲及歷職去處聞奏如已在禁軍者不在稱舉
候舉到日並當比試騎射看驗人材雖是姻親亦宜公
舉但如狀內具言如應任用之後不副所舉即量事狀
輕重坐舉主

五年五月詔在朝文資官各令再舉堪為幕職令錄者
一人所舉幕職州縣官罷任後便與除官仍並許赴闕
皇太子親王見三師禮

後唐長興四年七月二日太常寺奏奉勅詳定太子親

王見師傅禮如左

一准開元禮皇太子與師傅保相見前一日尉衛設次於宮門外道西南向伶官展軒懸於庭其日諸衛所部屯門列仗典謁設師傅保位於西階之西東向三少位次之少退俱東向北上師傅保及三少至宮門通事舍人引師傅保就次左庶子奏中嚴伶官帥工人入就位通事舍人引師傅保及三少立于正殿門西差退俱東向左庶子奏外辦皇太子著從省服以出侍衛如常承和

樂作至東階下西向立樂止通事舍人引師傅保及三少樂

作就位樂止皇太子再拜師傅以下答拜

若三少見時則三少先拜

通事舍人引

師傅以下出樂作出門樂止左庶子跪奏稱臣某言禮畢

一又准禮閣新儀皇太子受冊後前二日尚舍設次于

崇明門外南向又設師傅保中書門下文武百官東西

相向以北為上宮臣及皇親陪其後次左庶子奏外備

中官褰簾皇太子常服出次南向立侍如常儀次中書

門下就北向位再拜訖禮官贊皇太子再拜訖中書門

下班首一人前進賀訖復位再拜皇太子答賀訖又再拜皇太子揖中書門下訖相次退通事舍人禮官贊皇太子再拜師傅等少避位訖師傅為班首者一人進賀訖復位再拜皇太子答賀訖又再拜皇太子揖師傅退出內侍奉引皇太子就座南向座訖通事舍人引文武宮臣三品以下入就北向重行異位立定奉禮曰再拜訖左庶子一人進跪奏具官臣某等言賀訖復位皆再拜各分班東西序立奉禮曰再拜在位官皆再拜訖左庶

子少前跪奏具官臣某言禮畢近侍垂簾皇太子降座
宮臣侍衛仗散如儀

一准會要貞觀十七年上謂房玄齡曰太子三師以德
導人者也若師禮卑則太子無所取則是詔令撰三
師儀注太子出殿門迎先拜三師三師荅拜每門讓三
師坐太子乃坐與三師書前名惶恐後名惶恐再拜右
據太常禮院狀謹檢開元故事禮閣新儀及會要分析
如前其師傅見親王不同皇太子見師傅臣請師傅親

王對拜揖各退奉勅宜依

鄉飲

後唐清泰二年九月中書門下帖太常以長興三年勅諸舉人常年薦送先令行鄉飲酒之禮宜令太常草定儀注頒下諸州預前肄習解送舉人之時便行此禮其

儀速具奏聞

初長興中宰臣李愚好古奏行此禮累年不暇至是愚復奏及觀禮官所定無緒禮

官孫知訓以古禮無次序不可施行博士或言梁朝時青州曾行一度遂令青州訪舊簿書以聞竟不能行

講武

梁開平元年十月駕幸繁臺講武至二年七月改為講

武臺

按地理誌本西漢梁孝王所築謂之吹臺其後有繁氏居其側故里人呼之繁臺

賤表例

後唐同光二年八月勅四京并諸道州府及京百司應
申奏諸色公事奏狀等先曾指揮並須實封斜角其常
呈奏狀於斜封上明題所為公事或干軍機言不題事
直至御前開封進呈事宜指揮四京及諸道令散下管
內諸州依元宣旨處分其在京百司仍令御史臺各錄

勅文曉告

天成元年七月勅三京諸道節度團練使防禦使刺史
文武將吏州縣職員皆進月旦起居表其四五月旦並
可止絕

三年七月二十一日勅今後天下諸州刺史及係屬節
鎮團練防禦使除應聖節冬至端午外謝上及每月起
居慶賀章表並付本道封進其餘公事准往例節度觀
察使謄覆奏聞

長興元年五月太常禮院奏皇后今月十四日受冊准舊儀外命婦並合赴皇后受冊正殿門外就次俟受冊訖司賓引入就位奉賀今未有命婦院請准例上表賀中書門下奏其諸道節度使上表賀皇帝其在朝外命婦所上皇后表章進呈訖不下令報荅自此不更進表皇子妻駙馬公主及近密親舊或有慶賀及進起居章表內中委人主掌進呈後祇宣示來使並不下令從之其月太常禮院奏按儀制令百官上疏於皇后曰皇后

殿下中外臣寮外命婦慶賀祇呼殿下不言皇后中書覆奏據太常禮院狀若祇呼殿下恐未合宜至如舊制皇太子亦呼殿下若無分別何顯尊卑凡上皇后章表請呼皇后殿下若不形文字尋常並呼皇后從之

二年五月樞密院條疏諸道報軍機表狀於斜封上不得言為何事宜二字

晉天福二年十月中書門下奏按禮閣新儀正元二年十月七日御史臺奏每月慶賀及諸上表並合上公行

之制可今後凡有謝賀上表望並准一元勅上公行之
如三公闕令僕已下行之中書門下別貢表章從之

五代會要卷四